

IV EPIGRAMMA

Fundum Vettus vocat, quem possit mittere funda: 4 (13)
 ni tamen exciderit, qua cava funda patet.

V MARIUS

5 (17)

Nuntia fulva Iovis, miranda visa figura 6 (18)

Hic Iovis altisoni subito pinnata satelles 7 (19)
 arboris e trunco, serpentis saucia morsu,
 subrigit ipsa feris transfigens unguibus anguem
 semianimum et varia graviter cervice micantem.
 Quem se intorquentem lanians rostroque cruentans
 iam satiata animos, iam duros ultra dolores
 abicit eflantem et laceratum adfligit in unda
 seque obitu a solis nitidos convertit ad ortus.
 Hanc ubi praepetibus pinnis lapsuque volantem
 conspexit Marius, divini numinis augur,
 faustaue signa suae laudis reditusque notavit,
 partibus intonuit caeli pater ipse sinister.
 Sic aquilae clarum firmavit Iuppiter omen.